



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 4 24 0000041729



18/01/2024

სსიპ - თბილისის აპოლონ ქუთათელაძის სახელობის სახელმწიფო სამხატვრო აკადემიის „სამრეწველო დიზაინის“ საბაკალავრო საგანმანათლებლო პროგრამის აკრედიტაციის თაობაზე

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ.

1.3. აკრედიტაციის დებულების 27-ე მუხლის მე-7 პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) წარმოდგენილ იქნა სსიპ - თბილისის აპოლონ ქუთათელაძის სახელობის სახელმწიფო სამხატვრო აკადემიის 2023 წლის 01 მაისის № 16/780 (ცენტრში რეგისტრაციის - №483404, 01/05/2023) წერილი „სამრეწველო დიზაინის“ საბაკალავრო, „სამრეწველო დიზაინის“ სამაგისტრო, „მოდის დიზაინის“ საბაკალავრო, „მოდის დიზაინის“ სამაგისტრო, „ტექსტილის დიზაინის“ საბაკალავრო და „ტექსტილის დიზაინის“ სამაგისტრო საგანმანათლებლო პროგრამების კლასტერის აკრედიტაციის თაობაზე.

2.2. ცენტრის 2023 წლის 07 ივნისის №660127 ბრძანების საფუძველზე, სსიპ - თბილისის აპოლონ ქუთათელაძის სახელობის სახელმწიფო სამხატვრო აკადემია ცნობილ იქნა აკრედიტაციის მაძიებლად. ცენტრის 2023 წლის 25 აგვისტოს №1039474 ბრძანების საფუძველზე შეიქმნა აკრედიტაციის ექსპერტთა ჯგუფი, რომელმაც დაწესებულებაში ვიზიტი „სამრეწველო დიზაინის“ საბაკალავრო საგანმანათლებლო პროგრამის შეფასების მიზნით განახორციელა 2023 წლის 28 და 29 სექტემბერს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა	•			
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	•			
3. სტუდენტთა მიღწევები, მათთან ინდივიდუალური მუშაობა	•			
4. სწავლების რესურსებით უზრუნველყოფა	•			
5. სწავლების ხარისხის განვითარების შესაძლებლობები	•			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 28 დეკემბერს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარეების ზეპირი პოზიციის მოსმენის საფუძველზე, საბჭომ სრულად გაიზიარა ექსპერტთა დასკვნაში დაფიქსირებული შეფასება.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ მუხლის პირველი პუნქტის „ა“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის № 223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ კენჭისყრის შედეგად 14 ხმით არცერთის წინააღმდეგ,

გადაწყვიტა:

1. დაკმაყოფილდეს იქნა სსიპ - თბილისის აპოლონ ქუთათელაძის სახელობის სახელმწიფო სამხატვრო აკადემიის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ „სამრეწველო დიზაინის“ საბაკალავრო საგანმანათლებლო პროგრამას მიენიჭოს აკრედიტაცია 7 წლის ვადით.
2. ცნობილ იქნას აკრედიტაციის ექსპერტთა ჯგუფის დასკვნა „სამრეწველო დიზაინის“ საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი № 2).
3. ცნობილ იქნას საბჭოს 2023 წლის 18 იანვრის №46029 სხდომის ოქმის №03 ნაწილი ამ გადაწყვეტილების განუყოფელ ნაწილად (დანართი № 3).
4. დაწესებულებას შესასრულებლად განესაზღვრა შემდეგი რეკომენდაციები:

რეკომენდაციები:

- 4.1 რეკომენდებულია თსსა-მ შეიმუშაოს საბაკალავრო ნაშრომის მომზადებისა და დაცვის წესები, რომელშიც დეტალურად იქნება აღწერილი სტუდენტის შეფასების კრიტერიუმები და აკადემიური სტილის სტანდარტები;
- 4.2 ექვსივე პროგრამისთვის დაიწეროს სამიზნე ქულები თითოეული შედეგისთვის;
- 4.3 დაემატოს 0 შეფასების ქულა, თუ არ არის შეფასების კომპონენტი;
- 4.4 რეკომენდებულია, პროგრამის პერსონალი აქტიურად იყოს ჩართული პროგრამის ხარისხის უზრუნველყოფის ყველა ეტაპზე;

რჩევები:

- 4.5 სილაბუსებში შუალედური და დასკვნითი გამოცდის შეფასების კრიტერიუმები, 1-3 ქულა და 4-6 ქულა, სასურველია შეიცვალოს შემდეგნაირად - 1-2 ქულა, 3-4 ქულა და 5-6 ქულა;

4.6 სასურველია, საგანმანათლებლო პროცესში ისეთი დისციპლინების ჩართვა, რომლებიც ითვალისწინებს წარმოების სპეციფიკას, დიზაინის პროდუქციის ფუნქციონალური თვისებების თვალსაზრისით, რაც, გარდა სფეროს შემოქმედებითი უნარების განვითარებისა, ხელს უწყობს აზროვნების განვითარებას, ინტერდისციპლინურ მიდგომებს, მაშინ როცა დიზაინის მიმართულებით უცხოურ სკოლებში სწავლების პრაქტიკა ასევე ორიენტირებულია თეორია/პრაქტიკაზე, ინტერდისციპლინურ კომპლექსურ მიდგომებზე, შემოქმედებითი აზროვნების, წარმოების სპეციფიკის, ექსპერიმენტული აქტივობების და ა.შ., გათვალისწინებით;

4.7 სასურველია სასწავლო პროცესს აქტიურად დაემატოს პრაქტიკული დისციპლინები კონსტრუქციული და თანამედროვე ტექნოლოგიური მიდგომებით დიზაინში (არჩევითი დისციპლინების სახით), რაც დაეხმარება სტუდენტებს მრავალმხრივი საბაზისო ცოდნის შეძენაში, ინტელექტუალური და კულტურული თეზაურუსის ჩამოყალიბებაში; სასურველია პორტფელიოს დიზაინის გადახედვა, მაგ. დაემატოს CV ფუნქცია (პროექტებში, კონკურსებში, გამოფენებში მონაწილეობა);

4.8 სასურველია, რომ კლასტერის პროგრამების სტუდენტების შედეგები (ნამუშევრები) ასახავდეს დიზაინის მრავალფეროვან თანამედროვე მეთოდებს, რომლებიც ავითარებენ არა მხოლოდ შემოქმედებით აზროვნებას, არამედ პრობლემის გადაჭრის ძიების გზებსაც;

4.9 სასურველია თსსა-მ დაიწყოს ვიზუალური ხელოვნების ნამუშევრების და ხელოვნური ინტელექტის პლაგიატის აღმოჩენის სისტემების ძიება, რათა უზრუნველყოს აკადემიური კეთილსინდისიერება და საავტორო უფლებების დაცვა ყველა პროგრამაზე;

4.10 სასურველია სტუდენტთა საჩივრებზე (აპელაციაზე) მოხდეს დროული რეაგირება, უმჯობესი იქნება ფაკულტეტის საბჭოსგან საჩივრის განხილვის უფლება გადაეცეს სხვა აკადემიურ ან ადმინისტრაციულ ერთეულს ან, მაგალითად, შეიქმნას მცირე საბჭო, რომელიც განიხილავს სტუდენტთა აპელაციებს;

4.11 სასურველია, კლასტერში დაჯგუფებული პროგრამების სტუდენტები უფრო მეტად ჩაერთონ თანამედროვე ინოვაციურ საერთაშორისო კონფერენციებსა და პროექტებში;

4.12 სასურველია, უმაღლესმა სასწავლებელმა უზრუნველყოს პერსონალის გადამზადება უცხო ენაში (ინგლისური), რაც გაზრდის პედაგოგთა ჩართულობას საერთაშორისო პროექტებსა თუ სხვადასხვა ღონისძიებაში; სასურველია, პროფესიული განვითარების მიზნით, აკადემიური/სამეცნიერო პერსონალი გააქტიურდეს სამეცნიერო საქმიანობის მიმართულებით. (მონოგრაფია, რეფერირებულ ჟურნალში გამოქვეყნებული სამეცნიერო ნაშრომი და ა.შ.) სასურველია, უნივერსიტეტმა გააძლიეროს სამეცნიერო და/ან მოწვეული პერსონალის მატერიალურ-ფინანსური მხარდაჭერა სამეცნიერო/კვლევითი/საშემსრულებლო/შემოქმედებითი საქმიანობის განხორციელების მხარდასაჭერად;

4.13 სასურველია, გაიზარდოს პროგრამების ბიუჯეტი ან ცენტრალური ბიუჯეტიდან ან დარგის სფეროს პარტნიორებიდან, რომელიც გათვალისწინებული იქნება საკურსო პროექტებისა და სამაგისტრო ნაშრომების მასალებისთვის;

4.14 სასურველია, მეტი ფინანსური მხარდაჭერის გამოყოფა პროგრამების პერსონალის კვლევისა და პროფესიული განვითარების საქმიანობისთვის;


4.15 სასურველია, უფრო ფართო მასშტაბით წახალისდეს და პრიორიტეტი მიენიჭოს ხარისხის კულტურას ყველა ერთეულსა და ყველა დაინტერესებულ მხარეს შორის, რათა უზრუნველყოფილ იქნას აკადემიის ფარგლებში არსებული ხარისხის ინსტრუმენტების ეფექტურობა.

5. საბჭოს აღნიშნული გადაწყვეტილება ძალაში შევიდეს 2023 წლის 28 დეკემბერს.

6. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24 მუხლის პირველი პუნქტის შესაბამისად, საგანმანათლებლო

დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის II შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

უმაღლესი საგანმანათლებლო პროგრამების
აკრედიტაციის საბჭო
საბჭოს მდივანი
რატიანი რატი



საგანმანათლებლო პროგრამების აკრედიტაციის
საბჭო
საბჭოს თავმჯდომარე
ბუჩაშვილი გოდერძი



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	სამრეწველო დიზაინი
2	ერთობლივი უმაღლესი საგანმანათლებლო პროგრამა	-
3	სტატუსი	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	აკრედიტებული 10.21.2011; N 156
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	სამრეწველო დიზაინი
6	უმაღლესი განათლების საფეხური	ბაკალავრიატი
7	დაშვების წინაპირობები	-
8	კვალიფიკაციის დონე	VI
9	კვალიფიკაციის დასახელება	ხელოვნების ბაკალავრი სამრეწველო დიზაინში
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0212 მოდის, ინტერიერის და ინდუსტრიული/სამრეწველო დიზაინი
12	სწავლების ენა	ქართული
13	ECTS კრედიტების ჯამური რაოდენობა	240
14	განხორციელების ადგილი	0108, თბილისი, გრიბოედოვის 22
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	2023 წლის 28 დეკემბერი
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	
18	აკრედიტაციის ვადის გასვლის თარიღი	29/12/2030